

A. Nqi tshoob	4,000 Bath
B. Noj Haus	2,000 Bath
C. Kev txhaum txheej thiab lwm yam	260 Bath

Hmoob 18 xeem pom hais tias, peb haiv Hmoob lub txhooj tshoob txhooj kos ntawm peb txoj kab tshoob kev kos yeej muaj tseeb li tau teev tseg los saum toj no, thiab peb tsoom poj koob yawm koob, los sis peb tsoom thawj coj yeej muab teeb tseg rau peb haiv Hmoob coj ua ntu zus los txog rau niaj hnub tam sim no. Peb haiv Hmoob txoj kab tshoob kev kos no yog tus choj rau peb tsav neeg Hmoob txoj kev sib qaws ua txij ua nkawm, tis ntsuab tis ze, kom ib leeg tau kev mus ntoj ib leeg, ib leeg tau kev mus thuv ib leeg raws li poj ua cia yawm ua tseg txoj kab tshoob kev kos.

TSHOOJ I - FEEM-11: KEV TSWJ HWM THIAB KEV RHUAV NTA WM LUB TXHOOJ

Hais txog kev tswj hwm thiab rhuav ntawm lub txhooj tshoob txhooj kos no, hmoob 18 xeem tau muab cais ua ob (2) txheej raws li hauv qab no:

TSHOOJ I – FEEM II - TXHEEJ I: KEV TSWJ FWM NTAWM LUB TXHOOJ

TI-01. Cov nres xeem ntawm txhua txhua xeem uas lawv raug xaiv tsa thiab xa mus sawv cev nyob rau hauv Hmong 18 Council, Inc. yog cov muaj cai los tswj fwm thiab txhim kho lub txhooj tshoob txhooj kos no:

- A. Yog muaj kev cov nyom txog lub txhooj tshoob txhooj kos no uas tsim nyog txhim kho lawm, yuav tsum yog 51% ntawm cov nres xeem pom zoo kho mas thiaj li yuav kho tau.
- B. Yog 50-50% los sis feem coob ntawm cov nres xeem tsis pom zoo kho los yuav kho tsis tau.

TI-02. Kev txhim kho ntawm lub txhooj tshoob txhooj kos:

A. Txwv tsis pub leej twg lam yuam cai muab Hmoob 18 Xeem phau ntawv tshoob kos luam tawm thiab siv yam tsis tau kev tso cai los ntawm Hmoob 18 Xeem. Yog leej twg lam yuam cai kho Hmoob 18 Xeem phau ntawv tshoob kos no, tus ntawd yuav raug teem txim raws li "Copyright Protection" txoj cai ntawm lub teb chaws nws nyob.

B. Yog niam txiv, kwv tij neej tsa, los sis tsoom thawj coj ntawm peb tsoom Hmoob leej twg pom hais tias tsim nyog yuav kho qhov twg, tus ntawd yuav tau sau ntawv los sis coj qhov teeb meem ntawd mus qhia rau Hmoob 18 Xeem. Tom qab ntawd Hmoob 18 Xeem mam li coj los ntsuam xyuas saib puas tsim nyog kho los tsis tsim nyog. Hmong 18 Council Inc. cov nres xeem mam li los txiav txim siab.

TI-03. Hmoob 18 Xeem thov txwv tsis pub muab plaub ntug, xaiv lus los cuam tshuam tshoob kos kom plam tshoob plam kos, vim tub kis tsis muaj feem xyuam txog plaub ntug thiab xaiv lus ntawm ob (2) tog niam txiv.

TI-04. Hmoob 18 Xeem thov txwv tsis pub lam muab kev ntxub ntxaug los cuam tshuam tshoob kos kom plam tshoob plam kos. Yog tub ntxhais sib yeem, tug yeem tug lawm, yog leej twg lam nrhiav teeb meem kom muaj kev cov nyom, thaum muaj teeb meem tshwm sim thiab tub ntxhais tsis kam los txuas ncauj txuas lus, tis tshoob tis kos lawm, Hmoob 18 Xeem yuav tsis nrog kho thiab daws qhov teeb meem ntawd.

TI-05. Saum lub rooj tshoob rooj kos: Yog niam txiv tog nraug vauv tau muab **\$200.00** coj los nias kev txhaum txheej raws nraim li lub txhooj tshoob txhooj kos no lawm, Hmoob 18 Xeem txwv tsis pub lam muab kev txhaum txheej rub los ua lub kev lub cai ntxiv lawm. Tab sis niam txiv muaj cai coj los ntos